

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-235/17
Vareš, 30.11.2017. godine

Z A P I S N I K
sa 11. sjednice Općinskog vijeća Vareš,
održane 30.10. 2017. godine

Kenan Kamenjaš – predsjedavajući Općinskog vijeća Vareš, otvorio je 11. sjednicu s početkom u 14,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ajanović Mirnes, Čizmo Adis, Džafo Dženan, Fatić Ilhana, Islamović Emir, Kamenjaš Alma, Kamenjaš Kenan, Kevrić Demo, Mario Marošević, Mirčić Mario, Muftić Safeta, Muftić Anel, Mušanović Nedžad, Ridić Kruno, Romić Branko, Rožajac Elvir, Šimić Igor, Šimić Nikola i Turki Fadila.

Odsutni: Nema.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici općinskog načelnika – gosp. Čedomir Jelić, gosp. Ermin Musa i gosp. Rusmir Berberović, ispred Službe za privredu, finansije i trezor gosp. Stela Andrić i gosp. Boro Anđić, komandir PVJ gosp. Izudin Muftić, predsjednici političkih partija i predstavnici medija.

Sekretar OV Leon Pavlović izvjestio je Vijeće o zaključcima i odgovorima na postavljena vijećnička pitanja sa 10. sjednice OV održane 28.09. 2017. godine. Na 10. sjednici OV je donijelo dva (2) zaključka, jedan (1) zaključak je realizovan a jedan (1) je u toku realizacije. Postavljeno je dvadeset (20) vijećničkih pitanja. Na devetnaest (19) pitanja odgovoreno je usmeno i dostavljeni su pismeni odgovori podnosiocima vijećničkih pitanja, na jedno (1) pitanje koje je postavio vijećnik Čizmo Adis, upućen je upit Policijskog stanici Vareš i po dostavljanju odgovora PS Vareš, vijećniku će biti upućen odgovor.

Općinski načelnik gosp. Zdravko Marošević u okviru aktuelne problematike na području općine Vareš za današnju sjednicu u svom obraćanju izvjestio je prisutne o redovnim aktivnostima organa uprave Općine Vareš s akcentom na pripremi i izradi projekata. Upoznao je Vijeće da je potpisan Ugovor za kupovinu bivše zgrade Stacionar u Vareš Majdanu na kojem bi se trebalo početi sa radovima sanacije, da je zaključen ugovor sa tvornicom „Alma – Ras“ u vezi zamjene nekretnina, TRD Vareš je nastavila sa radom, kao i o drugim aktivnostima na sanaciji infrastrukture i slično.

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



(Vijećnička pitanja)

Elvir Rožajac

1. Kada će se sanirati lokalni put u MZ Pogar, na kojem su radnici Šumarije Vareš prilikom radova napravili štete? (o postavljenom pitanju dao je dodatno obrazloženje)
2. Pitanje uputio Elektrodistribuciji Zenica: Zašto u MZ Ravne i Zubeta prilikom svakog manjeg nevremena dolazi do nestanka električne energije? (o postavljenom pitanju dao je dodatno obrazloženje)

Fadila Turki

3. Kada će početi izgradnja adrenalinskog parka u Ravnima?
4. Kada će se sanirati lokalni put u naselju Ljepovići? (o postavljenom pitanju dala je dodatno obrazloženje)

Mirnes Ajanović

5. Kada ćete nam dostaviti informaciju o zaposlenim u Organu uprave i javnim ustanovama, bilo da se radi o državnim službenicima ili savjetnicima Načelnika, a koja se odnosi na ovaj mandat vijećnika? (o postavljenom pitanju dao je dodatno obrazloženje koje se odnosi na savjetnike Načelnika)

Kruno Ridić

6. Pitanje uputio Načelniku: Da li treba više od sedam mjeseci da se Strategija integrisanog razvoja, koja usvojena 28.02.2017.godine, ozvaniči i da se na istoj napisu imena autora, kako bi se podijelila vijećnicima i kao takva da i Vama i nama bude strateški dokument po kojem ćemo raditi?
7. Pitanje uputio Načelniku: Kada će biti isplaćena finansijska sredstva građanima čiji su domovi 2014. godine stradali od elementarnih nepogoda? (postojeća Odluka od 16.10.2014.godine koju je potpisao bivši Načelnik).

Anel Muftić

8. Pitanje uputio Načelniku: Da li postoji mogućnost da se iz budžeta Općine Vareš izdvoje sredstva kako bi se obnovile zgrade u MZ Vareš Majdan, a zgrade se nalaze u Prnjavoru i nasuprot TRD-a? (o postavljenom pitanju dao je dodatno obrazloženje)
9. Kada će se otkloniti kvar na javnoj rasvjeti u ulici Perunska u Vareš Majdanu?

Safeta Muftić

10. Pitanje uputila PS Vareš: Kada ćete ukloniti neregistrovana auta sa javnih parkirališta i ulica u gradu?

Alma Kamenjaš

11. Da li lica koja su uposlana u Organu uprave ispunjavaju formalno-pravne uslove tj. zadovoljavaju li kriterije u smislu stručne spreme i ostale potrebne uslove ili su to osobe bez potrebnog nivoa obrazovanja kako se želi prikazati? (o postavljenom pitanju dala je dodatno obrazloženje).

U toku postavljanja pitanja Alme Kamenjaš, vijećnik Mirnes Ajanović je zatražio od predsjedavajućeg OV da vijećnica Alma Kamenjaš svoje pitanje i pojašnjenje prezentira pod tačkom „Tekuća pitanja“ i o istom je iznio svoje mišljenje. (iz klupe).

Predsjedavajući OV skrenuo je pažnju vijećniku Mirnesu Ajanović na poštivanje reda i vođenja sjednice OV, te izjavio da je i ranije odobravao duže obrazlaganje vijećničkog pitanja i drugim vijećnicima.

Branko Romić

12. Pitanje uputio sekretaru OV: Da li je Etička komisija formirana u skladu sa pozitivno-zakonskim propisima tj. u skladu sa Poslovníkom OV i Statutom Općine, te ukoliko nije, zahtijevam da se sve zakonske procedure pokrenu ponovo? (o postavljenom pitanju dao je dodatno obrazloženje)
13. Zašto nestaje rasvjete u MZ Vareš Majdan?

Emir Islamović

14. Pitanje uputio nadležnoj službi: Da li se u Pajtov Hanu gradi azil za pse i da li za izgradnju postoji potrebna dokumentacija?

Demo Kevrić

15. Da li se općini Vareš plaća koncesija za zemljište na kojem se nalazi objekat za prečišćavanje vode općine Breza, i da li se plaća koncesija za vodu koja je data navedenoj općini?
16. Pitanje uputio Elektrodistribuciji Zenica: Kada ćete renovirati visokonaponsku mrežu za napajanje električnom energijom MZ Striježevo, a koja se nalazi na relaciji od Pajtov Hana do Striježeva, i prolazi kroz mjesto Bukovina gdje dolazi do prekida električne energije?

Adis Čizmo

17. Da li je moguće otvaranje Staračkog doma putem javno-privatnog partnerstva, jer je velika potreba na tržištu za ovakvim vidom usluga, a otvaranje Staračkog doma je prilika razvoja općine u vidu zdravstvenog turizma?

Općinski načelnik dao je usmene odgovore na postavljena vijećnička pitanja.

Predsjedavajući OV stavio je na raspravu Zapisnik sa 10. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 10. sjednice OV i nakon izjašnjavanja vijećnika konstatuje da je **jednoglasno sa (19 glasova „ZA“)** usvojen Zapisnik sa 10. sjednice OV.

Predsjedavajući OV stavio je na raspravu prijedlog dnevnog reda za 11. sjednicu OV koji je usaglašen na Kolegiju Općinskog vijeća.

Općinski načelnik Zdravko Marošević predložio je dopunu dnevnog reda sa tačkom 2. „Prijedlog Odluke o pristupanju izradi Prostornog plana općine Vareš za period 2018-2038. godine“. O istom je dao pojašnjenje.

Predsjedavajući OV stavio je na izjašnjavanje prijedlog dopune dnevnog reda današnje sjednice sa tačkom 2. „Prijedlog Odluke o pristupanju izradi Prostornog plana općine Vareš za period 2018-2038. godine“.

Nakon izjašnjavanja vijećnika predsjedavajući OV konstatuje da je **jednoglasno sa (19 glasova „ZA“)** usvojena dopuna dnevnog reda 10. sjednice.

Predsjedavajući OV stavio je na izjašnjavanje prijedlog dnevnog reda za 11. sjednicu OV sa prihvaćenom dopunom dnevnog reda.

Nakon izjašnjavanja vijećnika predsjedavajući OV konstatuje da je **jednoglasno sa (19 glasova „ZA“)** usvojen sljedeći

Dnevni red:

1. Izvještaj/Izvješće o izvršenju budžeta/proračuna Općine Vareš za period januar/siječanj-septembar/rujan 2017. godine.
- Izvjestilac: Općinski načelnik.
2. Prijedlog Odluke o pristupanju izradi Prostornog plana općine Vareš za period 2018-2038. godine.
- Izvjestilac: Ermin Musa.
3. Prijedlog Dopunske odluke o utvrđivanju povučene-obnovljene granične linije između šume i šumskog zemljišta u državnoj svojini i poljoprivrednog zemljišta u privatnoj svojini, u katastarskoj općini Blaža-po novom premjeru k.o. Okruglica.
- Izvjestilac: Ermin Musa.
4. Prijedlog Rješenja o prenosu prava vlasništva u korist Općine Vareš nekretnina k.č br. 465/2 put, površine 10.800 m2 upisano u z.k ulošku br. 623 k.o Blaža, Vareš.
- Izvjestilac: Ermin Musa.
5. Prijedlog Programa finansiranja komunalnih djelatnosti za 2018. godinu.
- Izvjestilac: Ermin Musa

6. Izvještaj o stanju zaštite od požara na području općine Vareš sa akcentom na realizaciju Plana zaštite od požara.
 - Izvjestilac: Rusmir Berberović.
7. Informacija o stanju i održavanju nacionalnih i kulturno –historijskih spomenika i spomen-obilježja na području općine Vareš.
 - Izvjestilac: Čedomir Jelić.
8. Informacija o ostvarenoj saradnji i realizovanim projektima NVO sektora sa područja općine Vareš sa posebnim osvrtom na rad udruženja iz oblasti kulture i sporta.
 - Izvjestilac: Čedomir Jelić.
9. Tekuća pitanja

Ad. 1.

(Izvještaj/Izvješće o izvršenju budžeta/proračuna Općine Vareš za period januar/siječanj-septembar/rujan 2017. godine.)

Komisija za privredu, finansije i budžet na 5. sjednici održanoj 19.10.2017. godine jednoglasno je donijela sljedeći Zaključak:

- Komisija sugeriše Izvršnoj vlasti da se vrši racionalizacija troškova, da se smanje odstupanja na pojedinim stavkama gdje je došlo do prekoračenja, te da nadležna Služba prati realizaciju Budžeta i upozorava Načelnika o eventualnim prekoračenjima u odnosu na planirano,
- Da se pokuša iznaći rješenje angažovanja pravobranitelja sklapanjem Ugovora o djelu sa pravobraniteljem iz susjednih općina, a sve u cilju naplate potraživanja Općine Vareš,
- Da se Općinski načelnik angažuje na isplati zaostalih naknada za vijećnike i radna tijela iz prethodnih godina.
- Komisija prihvata Izvještaj/Izvješće o izvršenju budžeta/proračuna Općine Vareš za period januar/siječanj – septembar/rujan 2017.godine sa Zaključcima i upućuje Vijeću na razmatranje i usvajanje.

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoje stavove, sugestije, mišljenja i pitanja iznijeli vijećnici: Kruno Ridić (sugerisao je da se određene stavke u Budžetu do kraja godine trebaju izbalansirati i o istom je dao pojašnjenje), Safeta Muftić (predložila je proširenje analitičkih konta u Izvještaju i smanjenje određenih troškova o čemu je dala pojašnjenje), Elvir Rožajac (postavio pitanje u vezi upošljavanja radnika u Općini Vareš o čemu je dao pojašnjenje), Kruno Ridić (javio se za repliku), Općinski načelnik Zdravko Marošević (javio se za repliku), Emir Islamović (sugerisao da OV stavi van snage Odluku o kreditnom zaduženju o čemu je dao pojašnjenje), Fadila Turki (sugerisala je na izradi rebalansa i o istom dala pojašnjenje), Demo Kevrić, Branko Romić (sugerisao na racionalizaciji troškova i na blagovremenoj izradi

nacrta rebalansa Budžeta) i Mirnes Ajanović (iznio je mišljenje u vezi poticaja za poljoprivrednu proizvodnju).

Općinski načelnik Zdravko Marošević u svom obraćanju dao je pojašnjenja na diskusije vijećnika iznesene u raspravi i odgovorio na postavljena pitanja vijećnika.

Zaključena je rasprava i predsjedavajući OV stavio je na izjašnjavanje Izvještaj o izvršenju Budžeta/Proračuna Općine Vareš za period januar/siječanj/septembar/rujan 2017. godine.

Nakon izjašnjavanja vijećnika predsjedavajući OV konstatuje da je sa **18 glasova „ZA i 1 „SUZDRŽANIM“ glasom usvojen**

*Izvještaj/Izvješće o izvršenju budžeta/proračuna Općine Vareš
za period januar/siječanj-septembar/rujan 2017. godine.)*

Ad. 2.

*(Prijedlog Odluke o pristupanju izrade Prostornog plana
općine Vareš za period 2018-2038. godine.)*

Predlagач nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o pristupanju izrade Prostornog plana općine Vareš za period 201-2038. godine.

Nakon izjašnjavanja vijećnika predsjedavajući OV konstatuje da je **jednoglasno sa (19 glasova „ZA“) usvojena**

*Odluka o pristupanju izrade Prostornog plana
općine Vareš za period 2018-2038. godine*

Ad.3.

*(Prijedlog Dopunske odluke o utvrđivanju povučene-obnovljene granične linije između šume i
šumskog zemljišta u državnoj svojini i poljoprivrednog zemljišta u privatnoj svojini, u
katastarskoj općini Blaža-po novom premjeru k.o. Okruglica)*

Predlagач nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Dopunske odluke o utvrđivanju povučene-obnovljene granične linije između šume i šumskog zemljišta u državnoj svojini i poljoprivrednog zemljišta u privatnoj svojini, u katastarskoj općini Blaža-po novom premjeru k.o. Okruglica.

Nakon izjašnjavanja vijećnika predsjedavajući OV konstatuje da je **jednoglasno sa (19 glasova „ZA“) usvojena**

*Prijedlog Dopunske odluke o utvrđivanju povučene-obnovljene
granične linije između šume i šumskog zemljišta u državnoj svojini i
poljoprivrednog zemljišta u privatnoj svojini,
u katastarskoj općini Blaža-po novom premjeru k.o. Okruglica.*

Ad.4.

(Prijedlog Rješenja o prenosu prava vlasništva u korist Općine Vareš nekretnina k.č. br. 465/2 put, površine 10.800 m2 upisano u z.k. ulošku br. 623 k.o. Blaža, Vareš.)

Predlagač nije imao dodatno pojašnjenje za ovu tačku dnevnog reda.

U raspravi su učestvovali vijećnik Elvir Rožajac koji je sugerisao Općinskom načelniku da u budućem periodu iznađe se mogućnost planiranja i izrade sportskog terena u MZ Ravne i Općinski načelnik Zdravko Marošević .

Zaključena je rasprava i predsjedavajući OV stavio je na izjašnjavanje Prijedlog Rješenja o prenosu prava vlasništva u korist Općine Vareš nekretnina k.č. br. 465/2 put, površine 10.800 m2 upisano u z.k. ulošku br. 623 k.o. Blaža, Vareš.

Nakon izjašnjavanja vijećnika predsjedavajući OV konstatuje da je **jednoglasno sa (19 glasova „ZA“)** usvojeno

Rješenje o prenosu prava vlasništva u korist Općine Vareš nekretnina k.č. br. 465/2 put, površine 10.800 m2 upisano u z.k. ulošku br. 623 k.o. Blaža, Vareš.

Predsjedavajući OV dao je pauzu u trajanju od 35 minuta.

Nastavljeno je sa radom današnje sjednice.

Ad.5.

(Prijedlog Programa finansiranja komunalnih djelatnosti za 2018. godinu.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, prijedloge, sugestije i pitanja iznijeli vijećnici: Elvir Rožajac (predložio da se u Program uvrsti i put u MZ Ravne od šehidske česme do zaseoka Kapetanovići), Dženan Džafo (skrenuo pažnju na problem odlaganja animalnog i biljnog otpada), Nikola Šimić (predložio je da se u Programu gdje je navedeno održavanje relacije Križ-Sastavci-Donja Borovica da se u produžetku stavi relacija Luke-Dragovići-Mijakovići i put za Igrište da se ubaci i Osredak, o istom je dao pojašnjenje), Adis Čizmo (predložio je da se u skladu sa finasijskim sredstvima iznađe mogućnost kupovine mašine za zimsko održavanje trotoara i vozila sa korpom za održavanje javne rasvjete), Nedžad Mušanović (u MZ ravne II prioritet dodati za zimsko održavanje dionicu puta –Ravne –Kapetanovići), Općinski načelnik Zdravko Marošević (izjavio je da se III prioritetu mora izvršiti zimsko održavanje svih puteva i svih naseljenih mjesta i da se mora racionalno pristupiti radovima na zimskom održavanju o čemu je dao pojašnjenje) i Đemo Kevrić (skrenuo je pažnju na ljetno održavanje puteva).

Pomoćnik načelnika Ermin Musa u svom izlaganju dao je pojašnjenje na iznesene diskusije vijećnika u raspravi i odgovorio na neka pitanja postavljena u raspravi. Izjavio je ispred ovlaštenog predlagača da prihvata prijedloge vijećnika Nikole Šimić, Elvira Rožajac i Nedžada Mušanović za uvrštenje putnih pravac u Program finansiranja.

U daljnjoj raspravi su učestvovali vijećnici: Elvir Rožajac (javio se za repliku), Kruno Ridić (iznio mišljenje u vezi ljetnog održavanja puteva i lošeg stanja lokalnih puteva), Đemo Kevrić (javio se za repliku), Općinski načelnik Zdravko Marošević (izjavio je da do kraja aprila mjeseca 2018. godine planira se utvrditi stvarno stanje na svim putevima općine Vareš), Mario Mirčić (iznio je problem naplate sredstava za komunalnu naknadu), Branko Romić (uputio pitanje da li se u pravac Dabravine-Luke-Kadarići može uvrstiti put Luke Neprivaj, o istom je dao pojašnjenje).

Zaključena je rasprava i predsjedavajući OV stavio je na izjašnjenje Program finansiranja komunalnih djelatnosti za 2018. godinu, sa prihvaćenim prijedlozima vijećnika od strane ovlaštenog predlagача.

Nakon izjašnjenja vijećnika predsjedavajući OV konstatuje da je **jednoglasno sa (19 glasova „ZA“) usvojen**

Program finansiranja komunalnih djelatnosti za 2018. godinu.

Ad.6.

(Izveštaj o stanju zaštite od požara na području općine Vareš sa akcentom na realizaciju Plana zaštite od požara.)

Predlagач nije imao dodatno pojašnjenje za ovu tačku dnevnog reda.

Otvorena je rasprava u kojoj je svoje prijedloge, primjedbe, stavove, mišljenja i pitanja iznijeli vijećnici: Mirnes Ajanović (sugerisao je da se predviđene mjere u Izveštaju u što kraćem roku pokušaju sprovesti), Kruno Ridić (sugerisao je da se Plan zaštite dopuni i sa Planom programa zaštite za mjesne zajednice), Adis Čizmo (predložio je predlagачu izradu baze podataka sa evidencijom domaćinstava u gradskoj zoni koja posjeduju plinske boce) i Fadila Turki.

Općinski načelnik Zdravko Marošević u svom obraćanju dao je pojašnjenje na iznesene diskusije vijećnika u raspravi i odgovorio na postavljena pitanja, te skrenuo pažnju na odgovornost i dužnosti stanara koji žive u stambenim jedinicama.

U daljnjoj raspravi su učestvovali vijećnik Kruno Ridić (javio se za repliku), Općinski načelnik Zdravko Marošević i komandir PVJ Izudin Muftić koji je dao dodatno pojašnjenje za ovu tačku dnevnog reda i upoznao prisutne sa problemima sa kojima se PVJ susreće u svom radu sa akcentom na stanje dimnjaka.

Zaključena je rasprava i predsjedavajući OV stavio je na izjašnjenje Izveštaj o stanju zaštite od požara na području općine Vareš sa akcentom na realizaciju Plana zaštite od požara.

Nakon izjašnjenja vijećnika predsjedavajući OV konstatuje da je **jednoglasno sa (19 glasova „ZA“) usvojen**

Izveštaj o stanju zaštite od požara na području općine Vareš sa akcentom na realizaciju Plana zaštite od požara.

Ad.7.

(Informacija o stanju i održavanju nacionalnih i kulturno-historijskih spomenika i spomen-obilježja na području općine Vareš.)

Predlagač nije imao dodatno pojašnjenje po ovoj tački dnevnog reda.

Otvorena je rasprava u kojoj su svoje prijedloge, sugestije i mišljenja iznijeli vijećnici: Mirnes Ajanović (predložio je da se u periodu do narednog Izvještaja ovoj tematici posveti puna pažnja te da se u planiranju budžeta za narednu godinu za isto planiraju sredstva), Kruno Ridić (sugerisao je na izgradnji Kraljevskog grada Bobovac i sanaciji spomenika o čemu je dao pojašnjenje), Općinski načelnik Zdravko Marošević (odgovorio je na neka pitanja vijećnika postavljena u raspravi i iznio svoje mišljenje u vezi diskusija u raspravi), Kruno Ridić (javio se za repliku, Općinski načelnik (javio se za repliku) i Branko Romić (sugerisao je na promoviranju turističkih potencijala općine Vareš o čemu je dao pojašnjenje).

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

Informaciju o stanju i održavanju nacionalnih i kulturno-historijskih spomenika i spomen-obilježja na području općine Vareš.

Ad.8.

(Informacija o ostvarenoj saradnji i realizovanim projektima NVO sektora sa područja općine Vareš sa posebnim osvrtom na rad udruženja iz oblasti kulture i sporta.)

Otvorena je rasprava u kojoj je učestvovao vijećnik Mirnes Ajanović i u svom obraćanju iznio pozitivno mišljenje za angažovanje i rad nevladinih organizacija, sportskih i svih drugih udruženja koja djeluju na našoj općini.

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

Informaciju o ostvarenoj saradnji i realizovanim projektima NVO sektora sa područja općine Vareš sa posebnim osvrtom na rad udruženja iz oblasti kulture i sporta.

Ad.9

(Tekuća pitanja)

1. Predsjedavajući OV upoznao je Vijeće sa Zahtjevom za prioritarno rješavanje izgradnje-sanacije puta Dabravine-Luke-Podkadarići od Savjeta MZ Dabravine broj: 01-10/17 od 10.10.2017. godine. Sa dopisom je upoznat i Općinski načelnik.
2. Predsjedavajući OV upoznao je Vijeće sa Izvještajem Komisije za raspolaganje nekretninama u vlasništvu Općine Vareš, broj: 02-1257/17 od 16.10.2017. godine. Pomoćnik načelnika Ermin Musa upoznao je prisutne sa dopunama Izvještaja .
3. Općinski načelnik Zdravko Marošević upoznao je Vijeće sa Zahtjevom „Društva za inženjering i proizvodnju SeanTech Bosnia, proces engineering“ d.o.o. Zenica koji

su preko stečajnog upravnika TRD sklopili ugovor da nastave rad u TRD d.d. Vareš. U Zahtjevu traže da se u objektu „Centralna radionica“ koja je u vlasništvu Općine Vareš, a u kojoj je TRD d.d. Vareš vršila proizvodnju, nastavi sa procesom proizvodnje uz određene uvjete i naknadu. O istom je dao pojašnjenje i zatražio da se Vijeće očituje po njihovom Zahtjevu.

Nakon diskusije vijećnika i izlaganja Općinskog načelnika, predsjedavajući OV stavio je na izjašnjavanje sljedeći

Zaključak:

- 1. Daje se saglasnost Općinskom načelniku da sa Društvom za inženjering i proizvodnju SeanTech Bosnia, process engineering, d.o.o. Zenica, koje zastupa prokurista Bojan Brelj (u daljem tekstu: zakupac), zaključi Ugovor o zakupu poslovnog objekta „Centralna radionica“ , koji se nalazi u Varešu, ulica Rudarska.**
- 2. Izdaje se pod zakup poslovni objekat „Centralna radionica“ ukupne površine objekta od 3.596 m²., koji je u vlasništvu i posjedu Općine Vareš.**
- 3. Paušalna cijena zakupa iznosi 2. 500,00 KM mjesečno.**
- 4. Ugovor o zakupu se zaključuje na period do godinu dana, sa mogućnošću raskida ugovora.**
- 5. Ovaj Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da je sa **15 glasova „ZA“, 1 glasom „PROTIV“ i 1 „SUZDRŽANIM“ glasom usvojen predloženi Zaključak.** (odsutni vijećnici Elvir Rožajac i Ilhana Fatić)

- 4. Vijećnik Đemo Kevrić upoznao je prisutne o stavovima sa održanog sastanka Savjeta MZ Striježevo sa akcentom na sanaciju lokalnog puta Striježevo-Kokošćići.**
Vijećnik Emir Islamović u ime MZ Budoželje zahvalio se Općinskom načelniku, Službama, predsjedavajućem OV i ŠPD ZDK, na uložnim sredstvima i sanaciji dijela puta za MZ Budoželje u dužini od 1.200 metara.
- 5. Vijećnik Igor Šimić ispred stanara stambene jedinice O-6 ul. Put mira da se iznađe rješenje za saniranje oštećenih stepenica ispred banke i osposobljavanje rasvjete.**
Općinski načelnik u svom izlaganju dao je odgovor na izlaganje vijećnika Đeme Kevrić u vezi sanacije lokalnog puta i planiranim aktivnostima na sanaciji lokalnih puteva na području općine Vareš. U vezi molbe vijećnika Igora Šimić izjavio je da je izdat nalog da se izvrši sanaciju stepenica.

Sastavni dio ovog Zapisnika je audio zapis sjednice.
Sjednica je završena u 19,25 sati.

S E K R E T A R

Leon Pavlović

***PREDSJEDAVAJUĆI
OPĆINSKOG VIJEĆA***

ZAPISNIČAR

Azra Ibrahimović

Kenan Kamenjaš